

ВЫНСЬӨДӨМА

Коми Республикаса Веськөдлан котырлөн
2020 во лөддза-номъя тöлысь 15 лунся 304 №-а шуөмөн
(9 №-а содтөд)

“Ивквад” республика тöдчанлуна
канму вөр-ва заказник йылысь

ПОЛОЖЕНИЕ

1. Панас

“Ивквад” республика тöдчанлуна канму вөр-ва заказник (водзö – заказник) артмөдöма “Коми АССР-ын заказникъяс да вөр-ва памятникъяс индöм йылысь” Коми АССР-са Министръяс Сöветлөн 1978 во вöльгым тöлысь 30 лунся 484 №-а шуөмөн.

Заказник лöб республика тöдчанлуна торйөн ёна видзан вөр-ва мутасөн (водзö – ООПТ) да сылөн эм гидрологическöй (нюрвывса) нырвизь.

ООПТ-лөн тыр ним: “Ивквад” республика тöдчанлуна канму вөр-ва заказник.

ООПТ-лөн дженьыд ним: “Ивквад” заказник.

Заказниксö артмөдöма вына кадколаст урчиттöг да заказниклөн мудорьясын меститчысь му участокьяссö вöдитчысьяслысь, кутысьяслысь да кийн кутысьяслысь босьттöг.

Заказник котыртан да сйöс уджöдан юкöнын канмусянь веськөдлöмыс, заказник видзан да сйөн вöдитчан юкöнын канму дöзьöрыс збыльмөдсö Коми Республикаса Веськөдлан котырөн уполномочитöм Коми Республикаса олөмö пöртысь власьт органөн да (либö) сылөн ведомствоувса канму учреждениеөн, кодлы сетöма лöсялана уджмогьяссö (водзö – заказникөн веськөдлысь орган).

2. Заказник артмөдан медшөр могъяс да сълөн могъяс

2.1. Заказниксö артмөдöма сы могысь, медым видзны Ивкавад нюр система, кöни быдмöны шоча паныдасысь быдмөгъяс.

2.2. Заказниклөн шөр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö;

видзны ва экосистемаяслысь гидрологическöй режимсö;

туявны вөр-ва комплексъясн ывлавывса процессъяссö да видзöдны экосистемаяслөн серпас вежсьöм бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальнöй районса муниципальнöй юкөнлөн мутасын Одыб сиктсаян 4 км лунвывлань, Шойнатыса лесничестволөн Одыбса участковöй лесничестволөн 75, 76 кварталъяслөн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лö 525 га.

* Оз йöзöдсы.

4. Заказниклөн мудоръяс

4.1. Заказниклөн мудорыс муно Шойнатыса лесничестволөн Одыбса участковöй лесничестволөн 75 кварталса 35 выделлөн рытыв-войвыв помсян 75 кварталса 35, 33 выдельяслөн войвыв мудоръясті, 75 кварталса 13 выделлөн рытыввыв, войвыв да асиввыв мудоръясті, 75 кварталса 33 выделлөн асив-войвыв мудорті, 76 кварталса 18 выделлөн войвыв, асиввыв, лунвыв да рытыввыв мудоръясті, 75 кварталса 33 выделлөн лунвыв мудорті, 75 кварталса 53 выделлөн асиввыв мудорті, 75 кварталса 44 выделлөн

асыввыв, лунвыв да рытыввыв мудорьясті, 75 кварталса 33 выделлөн рытыввыв да войвыв мудорьясті петан чутөдз.

Заказниклөн мутасө сіджө тырвыйө пырöны Шойнатыса лесничестволөн Одыбса участковй лесничестволөн 75 кварталса 32, 36 выдельяс, 76 кварталса 22 выдел.

4.2. Заказниклысь мудорьяссө петкөдлөма карта-схема вылын тайö Положение дорö 2 содтöдын*.

* Оз йöзöдсьы.

5. Заказниклөн мудорьясын меститчысь видзан вөр-ва комплексьяс да налөн компонентьяс

Заказниклөн видзан вөр-ва комплексөн лоö сьöкыд нюрвыв система, мый артмө некымын вылыс нитшка нюрсысь, кутшöмьясöс торйöдöма нюрсялөм вөр дйасөн. Заказниклөн асыв-лунвыв юкöнын меститчö Ивкавад ты.

Заказниклысь шөр юкөнсö артмөдö паськыд комплекснöй вылыс массив. Кызвыннас сйö артмө мусюра-йөнöда комплекссысь. Мусюрьясыс 4-6 м пасьятöсь, 10-50 м кузьтаöсь, вуджöны öта-мöдас. Мусюрьяслөн джудждаыс вежласьö 30-сянь 70 см-öдз. Мусюрьяслөн быдмөгьясыс öтсьямаöсь да артмöны куста-мырпома-нитшка да куста-нитшка фитоценозьясысь. Наöй матынöсь сикасьяс да тэчас серти. Доминантьясөн медтшöкыда лоöны нюрвывса момга турун (*Chamaedaphne calyculata*), керч (*Ledum palustre*) да мырпом (*Rubus chamaemorus*), а му веркöс пасьтала ёна быдмö рудовгöрд нюр нитш (*Sphagnum fuscum*). Торьялöны вежласьтöмлунөн да босьтöны ыджыд ценотическöй ин кузьмöс корья подбел (*Andromeda polifolia*), обоеполöй понпир (*Empetrum hermaphroditum*), обыкновеннöй чöдлач (*Vaccinium uliginosum*), влагалищнöй гöнаюр (*Eriophorum vaginatum*). Гöгрöс корья лысва турунлөн (*Drosera rotundifolia*), этша дзоридза эжөрлөн (*Carex pauciflora*), гöгрöс турипувлөн (*Oxycoccus palustris*) да кузьмöс турипувлөн (*Oxycoccus*

microcarpus) ярус артмөдөмын пайыс зэв ичөт. Комплекслөн быд сикас юкөнын зыбучьяс да йөнөдьяс босытоны площадьыс 30-сянь 70%-өдз. Абуджык васөд участокьяслы лөсялөны гөнаюра-нитшка фитоценозьяс, кутшөмьяслөн доминантыасөн лооны влагалищнөй гөнаюр да балтийскөй нюр нитш (*Sphagnum balticum*). Васөд йөнөдьясын, көні ваыс сулалө веркөсас, ыджыдалөны нюрвыв шейхцери (*Scheuchzeria palustris*) да/либө зыбуч эжөр (*Carex limosa*). Таыс кындзи, микрорельефлөн ляпкыдджыкиньясын паныдасьлө и мукөд быдмөг, шуам, гөгрөс турипув, гөгрөс корья лысва турун да английскөй лысватурун (*Drosera anglica*), шочджыка нюрвывса момга турун да кузьмөс корья подбел. Нитшка веркөсыс артмө балтийскөй нюр нитшкыс, Йенсен нюр нитшкыс (*S. jensenii*), Линдберглөн нюр нитшкыс (*S. lindbergii*), ыджыд нюр нитшкыс (*S. molle*) да бесколечкөвөй варнсторфияыс (*Warnstorfia exannulata*).

Заказниклөн рытывыв юкөнын меститчө некымын пожөма-куста-гөнаюра-нитшка массив. Найө неыджыдөсь, налөн вутшка микрорельеф да мыйкө мында өтсыма быдмөгьяса му веркөс. Вөрыс артмө обыкновеннөй пожөмыс (*Pinus sylvestris*), шөрланьыс сийө лоө гежөдджыкөн. Кустьяслөн да туруньяслөн ярусыс сук да джуджыд. Сылыс подуvcө артмөдөны тусяпуа кустьяс, мырпом да влагалищнөй гөнаюр. Тшөкыда паныдасьлөны кузьмөс корья подбел, турипув, видз выв би турун (*Melampyrum pratense*), гөгрөс корья лысва турун, этша дзоридза эжөр (*Carex pauciflora*). Тайө сикаса массивьяслы лөсялөны и вөрса өткымын сикас: пув (*Vaccinium vitis-idaea*), чөд (*Vaccinium myrtillus*), васөд выв турун (*Carex globularis*). Нитшка веркөсын ыджыдалөны нюр нитшьяс. Паныдасьлө сідзжө өткымын веж нитш да рой. Вутшьяс да неыджыд йөнөдьяс костын ляпкыдджыкиньяслы лөсялөны фитоценозьяс, көні туруна-куста ярусын медуна быдмө влагалищнөй гөнаюр.

Ивкавад ты дорын быдмөгьясыс торьялөны ыджыд унапөлөслунөн. Найө артмөны быд сикас пуа-туруна-нитшка, куста-туруна-нитшка, туруна-нитшка да туруна-гипново-нитшка фитоценозьясыс. Көнсюрө сэні төдчө пашкыр кыддыс (*Betula pubescens*) пу ярус. Фитоценозьяслыс туруна

веркӧссӧ артмӧдӧмын ыджыд ин босытӧны кадвуж (*Menyanthes trifoliata*), сближеннӧй эжӧр (*Carex appropinquata*), бутыльчатӧй эжӧр (*C. rostrata*), пӧим кодъ руд эжӧр (*C. cinera*), посни эжӧр (*Carex lasiocarpa*), зыбун турун (*Comarum palustre*), шочджыка зыбуч куз (*Equisetum fluviatile*), нитшка веркӧссӧ – веж нитшъяс. Ты гӧгӧр да сысянь визувтысь шорлӧн берегыас пӧлӧн куста ярусун быдмӧны лопарскӧй бадь (*Salix lapponum*), кельыдлӧз бадь (*S. glauca*), съӧд бадь (*S. myrsinifolia*), туруна-куста веркӧсын – мӧсняк турун рӧдлӧн сикасыас, кистецветнӧй наумбургия (*Naumburgia thyrsiflora*), кӧр кулан турун (*Cicuta virosa*), нюр выв рӧз (*Galium palustre*) да нюр выв гӧгьярӧз турун (*G. uliginosum*), крука турун (*Filipendula ulmaria*), пурпурнӧй лия турун (*Calamagrostis purpurea*), му веркӧсын – каллиергон рӧдлӧн сикасыас, вадорса нюр нитш (*Sphagnum riparium*), оттопыреннӧй нюр нитш (*S. squarrosum*) да мукӧд. Ты дорысь аддзӧма чутӧсь мӧсняк турунлысь унакодъ ценопопуляция, кутшӧмӧс пыртӧма Быдмӧгьяслӧн лыддьӧгӧ (списокӧ), кодьяслӧн вӧр-ваын олӧм бӧрся колӧ торйӧн видзӧдны да кодьясӧс вӧзйӧма босытны биология боксянь дӧзьӧр улӧ, мый вынсьӧдӧма Коми Республикаса вӧр-ва озырлун да гӧгӧртас видзан министерстволӧн 2019 во рака тӧлысь 27 лунся 498 №-а тшӧктӧдӧн (3 №-а содтӧд).

Вылыс массивьясӧ пырӧ 40 гӧгӧр сикас. Массивьяслӧн периферияын, ты дорын быдмӧгьясыс да флористическӧй составыс лӧӧны унапӧлӧсджыкӧн. Ставнас заказникын быдмӧ 80 сайӧ сикас быдмӧг (нитшъяс пыртӧмӧн) да рой.

6. Заказник торйӧн ёна видзан режим

6.1. Заказниклӧн мутасын оз позь вӧчны овмӧс нуӧдан да мукӧд удж, мый вӧсна вермас торксыныны экосистемаяслӧн дзоньлуныс, сы лыдын:

- 1) капитальнӧя стрӧитан объектъяс стрӧитӧм;
- 2) линейнӧй объектъяс стрӧитӧм, тайӧ Положениелӧн 6.2 пунктын индӧм случайяс кындзи;
- 3) пуяс да кустьяс кералӧм да механическӧя жугӧдӧм (виччысытӧм да

аварийной ситуацияе кындзи);

4) абу пуа вөр ресурсьяс, вөрса сёян-юан да бурдодан быдмөгьяс заптём да чукөртём, индём ресурсьяссө да быдмөгьяссө гражданаөн асланыс могьяс вылө заптём да чукөртём кындзи;

5) прөмыслөвөя кыйсьём да промышленнөя чери кыйём;

6) муяс бурмөдём;

7) химия препаратьяс да мувердас видзём да наён вөдитчём;

8) туйясысь, кутшөмьяс эмөсь, да торйөн индём местаясысь бокин механизируйтём транспортлөн ветлём да сулалём (заказник видзём серти мероприятиеяс, а сідзжө вөр-ва комплексьяс да объектьяс видзём да бөр лөсьөдём серти мероприятиеяс нуөдөмкөд йитчём случайяс кындзи), механической транспорт средствояс кындзи, кодьяс ветлөдлөны да сулалөны төвнас, кор усьёма лым сэк, кор оз лэдзны му эжөд, быдмөгьяс да вөр пуктасьяс жугөдөмсө;

9) туясян (корсьысян, геофизической, геологоразведочной) уджьяс, муывьса да механизируйтём средствоясөн вөдитчөмкөд да му эжөд да быдмөгьяс тшыкөдөмкөд абу йитчём уджьяс кындзи;

10) мупытшса озырлун, сы лыдын трунда, корсьём да перйём;

11) заказниклысь мутас ёгөсьтём да нйитчөдём, а сідзжө производство да потребление шыбласьяс меститём (видзём да гуалём), ортсө лэдзан ва нуөдём;

12) геологической, ботанической, зоологической да мукөд коллекция чукөртём, наука-туялан могьяс вылө найөс чукөртём кындзи заказникөн веськөдлысь органкөд сөгласуйтөмөн;

13) му эжөд да быдмөгьяс тшыкөдём, вөчны позяна удж сикасыяс збыльмөдём кындзи;

14) лэбач позьяс жугөдём;

15) аншлагьяс, шлагбаумьяс, стендыяс, мудор петкөдлысь сюрьяяс, мукөд юөртан пас да индалысь, экологической ордымьясса да шойччан местаясса оборудование бырөдём да торкём, пуяс вылын гижалём да пасьяс вөчём.

6.2. Заказниклөн мутасын позьö:

1) нуöдны наука-туялан уджъяс заказникөн веськöдлысь органкöд сöгласуйтöмөн;

2) кыйсьыны любительскöя да спортивнöя оланпастэчасөн урчитöм пöрадокын;

3) кыйны чери любительскöя да спортивнöя оланпастэчасөн урчитöм пöрадокын;

4) котыртны да нуöдны вөр овмöс, нуöдны вөръясын пöжарысь да санитарнöй боксянь видзчысьöмсö могмöдан мероприятиеяс вөр йитöдъяс ладмöдан юкöнын оланпастэчасөн урчитöм пöрадокын тайö Положениелөн 6.1 пункта корöмъяс тöд вылö босьтöмөн;

5) стрöитны, выльмöдны, уджöдны линейнöй объектъяс сэк, кор найöс меститны мöд позянлуныс абу, а сідзжö заказник уджöдöмсö могмöдöм могысь, заказникөн веськöдлан органкöд сöгласуйтöмөн;

6) капитальнöя дзоньтавны линейнöй объектъяс заказникөн веськöдлысь органкöд сöгласуйтöмөн;

7) абу капитальнöй стрöйбаяс да сооружениеяс стрöитöм, кутшöмъяс йитчöмаöсь вöчны позяна удж сикасьяс збыльмöдöмкöд;

8) нуöдны овмöс да мукöд уджлысь мöд сикасьяс, мыйысь абу öлöдöма вөр-ваөн вöдитчан да гөгöртас видзан юкöнын оланпастэчасөн да тайö Положениеён, оланпастэчасөн урчитöм пöрадокын.

7. Бöртас

7.1. Заказниксö, сы лыдын сылөн мутасын меститчысь вөр-ва комплексъяссö да налысь компонентъяссö, видзöны вөр-ваөн вöдитчан да гөгöртас видзан юкöнын оланпастэчас серти.

7.2. Заказниклөн вөр-ва комплексъяслы да налөн компонентъяслы лёктор вöчан грöз артмöм дырйи сылөн мутасын вöчны позяна удж сикасьяссö дзескöдöны, недыр кад кезлö дугöдöны либö дугöдöны оланпастэчасөн урчитöм пöрадокын.

7.3. Заказниклысь мутассö места вылын индöны öлöдан да юöртан пасьяс сувтöдöмөн, а сідзжö торйöдöны тематическöй картография материальяс вылын.

7.4. Заказниклөн вөр-ва комплексьяслы либö налөн компонентьяслы вöчöм лекторсö колö вештыны Россия Федерацияса оланпастэчас серти.

7.5. Йöзöс, кодьяс мыжабсь заказник торйөн ёна видзан урчитöм режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйөн ёна видзан урчитöм режимлөн уджалöм да сійöс могмöдöм серти мероприятияяс збыльмöдсьöны Коми Республикаса республиканскöй сьöмкуд сьöм да оланпастэчасөн абу öлöдöм мукöд öшмöс тшöт весьтö.

Пасйöд. Меститчанінсö да мудорьяссö опишитöма Шойнатыса лесничестволысь 2013 вося вөр овмöс котыртан да нуöдан материальяс тöд вылö босьтöмөн.